

## CALENDARIO ACADÉMICO DO CURSO 2020-2021

(aprobado no C.G. do 29 de abril do 2020; modificado polo C.G. o 2, o 12 de xuño, o 28 de xullo do 2020 e o 12 de marzo de 2021)

- 1.- O curso académico comprenderá do **1 de setembro de 2020** ao **31 de agosto de 2021**.
- 2.- O calendario de actividades académicas é o marco temporal no que se desenvolve a planificación do conxunto das diversas actividades formativas, incluíndo as correspondentes probas de avaliación, nas titulacións que se imparten na Universidade.
- 3.- Seguindo o disposto polo RD 1125/2003, cada crédito ECTS supoñe 25 horas de traballo para un estudante dedicado a cursar a tempo completo estudos universitarios, durante un mínimo de 36 e un máximo de 40 semanas por curso académico.
- 4.- Consonte ao exposto, as semanas de actividade académica docente no curso 2020/2021 na Universidade de Vigo quedarán distribuídas en dous períodos equivalentes, do xeito indicado no cadro seguinte, e das que unha sexta parte reservárase para celebración das probas de avaliación final (situadas entre a data límite de entrega de actas do período correspondente e a do inmediato anterior) dedicándose o resto á actividade lectiva.

PERÍODO	INICIO	REMATE
PRIMEIRO	LUNS, 21 DE SETEMBRO DO 2020	VENRES, 29 DE XANEIRO DO 2021
SEGUNDO	LUNS, 1 DE FEBREIRO DO 2021	VENRES, 11 DE XUÑO DO 2021

5.- Excepcionalmente, nas titulacións de Máster, previo acordo da respectiva comisión académica que deberá comunicarse á Secretaría Xeral, poderá adiarse o inicio da actividade académica docente lectiva, **sempre que se respecte o disposto no punto terceiro de presente calendario, sen prexuízo do indicado no punto sétimo e sen que as datas de apertura e de entrega de actas podan verse modificadas por este motivo**. Aos programas de doutoramento non se lles aplica o presente calendario e estarase ao establecido na súa propia convocatoria de matrícula.

6.- No mes de agosto non haberá actividade académica, que así mesmo quedará en suspenso nas seguintes datas, excluídas do cómputo sinalado no punto terceiro:

- Dende o mércores, día 23 de decembro de 2020, ata o xoves, día 7 de xaneiro de 2021 (ambos os dous incluídos).
- Dende o luns, día 29 de marzo, ao sábado día 3 de abril de 2021 (ambos os dous incluídos).

7.- O período comprendido entre o martes, día 1, e o venres, día 4 de setembro de 2020 (ambos os dous inclusive) non computará aos efectos do disposto no punto terceiro, sen prexuízo de poder desenvolver no mesmo actividades académicas non lectivas. O mesmo sucederá co período comprendido entre o luns, día 14 de xuño, e o sábado, día 31 de xullo de 2021 (ambos os dous inclusive), agás no caso dos másteres que comezaran máis aló do luns, día 21 de setembro de 2020, para os que si contará o dito período -en proporción ao retraso acumulado ao comezo- aos efectos de poder completar o cómputo establecido no punto terceiro. O período comprendido entre o luns, 7 de setembro e o venres 18 de setembro si computará aos efectos do disposto no punto terceiro, podendo desenvolverse as actividades académicas que indique a Vicerreitoría de Profesorado e Ordenación Académica.

8.- Terá carácter festivo o venres, día 29 de xaneiro de 2021, data de celebración do día de Santo Tomé de Aquino, patrón da Universidade, posuíndo o mesmo carácter os días das festas oficiais do Estado, da Comunidade Autónoma e, en cada Campus, os días das festas locais, así como a data que corresponda a cada centro para a celebración da súa festa propia, pasando a luns ou venres as que non coincidan neses dous días da semana, previa decisión da Xunta do Centro concernido. A docencia interromperase o luns, día 15, e o martes, día 16 de febreiro de 2021 (Entroido)

Relación de festas propias dos centros da Universidade de Vigo	
ESCOLA DE ENXEÑARÍA AERONÁUTICA E DO ESPAZO	23/09/2020, mércores
ESCOLA DE ENXEÑARÍA DE TELECOMUNICACIÓN	29/09/2020, martes
ESCOLA DE ENXEÑARÍA FORESTAL	04/10/2020, domingo
FACULTADES DE BIOLOXÍA, CIENCIAS DO MAR, QUÍMICA E CIENCIAS	15/11/2020, domingo

E.U. DE MAXISTERIO "MARÍA SEDES SAPIENTIAE"	27/11/2020, venres
ESCOLA DE ENXEÑARÍA DE MINAS E ENERXÍA	04/12/2020, venres
FACULTADES DE DEREITO E DE CIENCIAS XURÍDICAS E DO TRABALLO (DEREITO)	07/01/2021, xoves
ESCOLA SUPERIOR DE ENXEÑARÍA INFORMÁTICA	25/02/2021, xoves
ESCOLA DE ENXEÑARÍA INDUSTRIAL	19/03/2021, venres
FACULTADES DE CIENCIAS ECONÓMICAS E EMPRESARIAIS, CIENCIAS EMPRESARIAIS E TURISMO E ESCOLA UNIVERSITARIA DE ESTUDOS EMPRESARIAIS.	05/04/2021, luns
FACULTADES DE HISTORIA, FILOLOXÍA E TRADUCIÓN, CIENCIAS DA EDUCACIÓN E CIENCIAS DA EDUCACIÓN E DO DEPORTE	26/04/2021, luns
FACULTADE DE CIENCIAS SOCIAIS E DA COMUNICACIÓN	29/04/2021, xoves
FAC. CC. XURÍDICAS E DO TRABALLO (RELACIÓNS LABORAIS)	01/05/2021, sábado
FACULTADE DE BELAS ARTES	07/05/2021, venres
ESCOLAS DE ENFERMERÍA	12/05/2021, mércores

9.- Os períodos de rexistro na aplicación informática das cualificacións nas actas e da súa respectiva entrega serán os seguintes:

Período/Convocatoria	Inicio	Remate
PRIMEIRO	<b>GRAO:</b> XOVES, 10 DE DECEMBRO DO 2020	VENRES, 19 DE FEBREIRO DO 2021
	<b>MASTER:</b> XOVES, 17 DE DECEMBRO DO 2020	
SEGUNDO	MÉRcores, 14 DE ABRIL DO 2021	LUNS, 28 DE XUÑO DE 2021
2ª OPORTUNIDADE	<b>MÉRcores, 6 DE XULLO DE 2021</b>	LUNS, 26 DE XULLO DE 2021
FIN DE CARREIRA	VENRES, 18 DE SETEMBRO DE 2020	VENRES, 13 DE NOVIEMBRE DE 2020

10.- No caso dos TRABALLOS DE FIN DE GRAO e MÁSTER, as datas límite para a entrega de actas serán:

PRIMEIRO PERÍODO	VENRES, 12 DE MARZO DE 2021
SEGUNDO PERÍODO	VENRES, 9 DE XULLO DE 2021
SEGUNDA OPORTUNIDADE	VENRES, 17 DE SETEMBRO DE 2021
FIN DE CARREIRA	VENRES, 27 DE NOVIEMBRE DE 2020

11.- Excepcionalmente, nos centros que, xustificadamente, desenvolvan prácticas externas curriculares no mes de agosto, previa comunicación ao Servizo de Estudos de Grao ou de Posgrao, segundo corresponda, a data límite de entrega de actas na segunda oportunidade poderá estenderse como máximo ata unha semana antes da indicada para o TFG ou o TFM, segundo o caso.

12.- Nas guías docentes deberá figurar a metodoloxía e o procedemento detallado para a avaliación das materias, debendo recollese nas mesmas a data así como, se procede, hora e lugar de realización das probas de avaliación. Tamén deberán especificar o medio empregado para a súa publicación oficial así como das modificacións que, xustificadamente, puideran producirse. Na fixación das datas relativas ás probas de avaliación da convocatoria extraordinaria de xullo, procurarase que vaian en primeiro lugar as materias correspondentes ao primeiro cuadrimestre.

13.- As probas de avaliación da convocatoria de “fin de carreira” poderán celebrarse dende o martes, día 1 de setembro de 2020, debéndose acordar as datas concretas polos respectivos centros, respectando, en todo caso, o período de rexistro na aplicación informática das cualificacións nas actas e da súa entrega establecidas no apartado 9, sen posibilidade de suspender as actividades lectivas por esta razón.